

14  
P U T A T I O M E D I C A  
N A U G U R A L I S,  
D E

ierum Sanitate Tuenda,

Q U A M,  
ANNUENTE SUMMO NUMINE,

Ex Auctoritate Reverendi admodum Viri,  
WILLIELMI ROBERTSON, S.S.T.P.  
ACADEMIAE EDINBURGENÆ PRÆFECTI;

NEC NON  
Illustissimi SENATUS ACADEMICI consensu,  
Illustissimae FACULTATIS MEDICÆ decreto,  
GRADU DOCTORATUS,  
QUE IN MEDICINA HONORIBUS ET PRIVILEGIIS  
RITE ET LEGITIME CONSEQUENDIS;

Eruditorum examini subjicit  
JAMES LUMBUS MACQUEEN,  
BRITANNUS.

Ad diem 12. Sept. hora locoque solitis.

EDINBURGI:  
JAMES BALFOUR et SMELLIE,  
Academiae Typographos.

M,DCC,LXXVII,



Viro nobilissimo

A L E X A N D R O

D O M I N O M A C D O N A L D,

D E S L E A T,

Qui antiquam profapiam,

Ex qua oriundus est;

Propriis virtutibus, artibus egregiis,

Doctrina, ingenio, morum comitate;

Et bonarum literarum studio,

Ornat, auget, commendat;

Tam illis adductus,

Quam benevolentia et officiis,

Quibus se semper profecutus est,

Provocatus,

Hæc studiorum primitias,

In re medica,

Maxima, qua decet, observantia;

D. D. D.

C. M.



DISPUTATIO MEDICA,

INAUGURALIS,

DE

MULIERUM SANITATE  
TUENDA.

PROEMIUM.

**Q**UUM naturam variaque genera rerum  
explorando, mens hominis proprium oc-  
cupat opus, viresque colendo acquirit; ita non  
sufficiendum est, quin ea quae ad sanitatem salu-  
tisque humani generis pertinent, primam ac  
precipuam curam mereantur. Leges enim qui-  
bus aetatem degimus exponere, variosque gra-  
dus quibus e carcere ad metam vitae transcurri-

A

mus

mus denotare, quae porro in cursu timenda, quae, et quomodo evitanda, indicare; uti famam medico parant, ita apprime valetudini inserviunt.

Praeter varios casus variasque mutationes, quibus cum caeteris animalibus humanum genus sit obnoxium, ex variarum animi facultatum natura, spatioque agendi ampliori, multis periculis aerumnisque, quibus inferiora animalia sunt omnino vacua, indies subjicitur: Eorum vero majorem partem directe seu oblique ab animi affectibus oriri inveniemus; quorum si non plures numero sint naturâ insiti, tamen magis versatiles sentit, impulsusque frequentiores patitur. Ex affectibus igitur aestuantibus, sed praecipue ex intemperantia, et illa via a natura abscondita, qua saepenumero in voluptates tam avide ruit, evenit, ut homo, ex omnibus animalibus, valetudine maxime incerta fruatur: Non tantum saepius, sed ex levioribus causis male afficitur, et in omni tempore vitae morti obiectus est: Dum caetera animalia, *perraro*, nisi annis confecti, obeunt, *raroque* aegritudine laborant.

Sed affectibus quibus homines adeo agitantur, injuriisque externis quibus communiter afficiuntur, omissis; unum insigne et notandum discrimen



men inter animalia sexus facit. Hinc maribus ac foeminis suae leges, sua munera, suus habitus, suum regimen : Et, etiamsi plerisque muneribus consentiant, aliis tamen adeo differunt, ut inde pluribus morbis, in utrisque maxime diversis, sint obnoxii. Constabit autem inquirenti, infirmitates ac incommoda, quae a sexus discrimine humano generi eveniunt, minime inter mares ac foeminas aequaliter distribui. Corpus enim foemineum ad alendam sobolem dum in utero, dum in gremio versatur, designatum, praecipuis legibus ad id ipsum spectantibus, subjicitur ; eademque de causa, plurimis doloribus patet, quibus mares sunt prorsus immunes.

De natura igitur causisque eorum morborum, ac modis quibus occurrendi, hocce opusculo quam paucissimis disserturus sum.

Eas autem, ut omnia magis innotescant, in duas partes, sequenti ordine, dividimus.

In *prima*, Discrimina praecipua quibus foeminarum habitus ac virorum inter sese differunt, indicanda : Et hinc quaedam causae generales, quibus foeminae morbis nonnullis sexui propriis procliviores redduntur, sunt instituendae.

In *secunda*, Foemineum habitum a primordio aetatis, per varios gradus vitae carptim percurrens,

rens, morbisque qui singulis gradibus imminuant indicatis, quantum vires valeant, ita dicam, et ita consulam, ut morbis ipsis, causisque unde oriantur, obviam optime eatur.

## P A R S P R I M A.

MULIER, ut supra diximus, natura ipsa destinatur ad prolem in utero gerendam alendamque, donec ei sit robur et firmitas, quibus rerum externarum impressiones post partum resistat: porro, ad nutrimentum idoneum comparandum donec cibaria crassiora digerere possit: Propterea, ita est formata, ut, ad puberem aetatem provecta, major humorum copia, quam sibi sit necessaria, collata, vel in proprium usum vertatur, vel si inutilis, abjiciatur.

Inter animalia majora plerumque notandum est, femellas statura, viribus, ac firmitate solidiorum maribus inferiores esse\*: (Apud genus humanum certissime obtinet): Ossa foeminarum magis exigua, graciliora, et molliora quam virorum

\* Buffon. Hist. Nat.



rum \*: Musculos tenuiores, nec tam bene conexos, et materia cellulosa magis refertos †: Cutem laxiorem, laeviore, et pertenuem, majorem pinguedinis copiam subter habentem. Idem texturae discrimen, ut Clift. Wintring. experimenta declarant, vasis adest; foeminis arteriarum tunicae multo exiliores, laxiores, et fragiliores. Venae contra, pra<sup>ae</sup> arteriis densiores, firmiores, et minus capaces sunt ‡.

Ex hac nativa muliebrium solidorum laxatione, eas ad violentos motus et opera difficilia minus idoneas, apparet; fibrae quoque minori injuria, quam si textura firmior esset, ulterius distenduntur. Hic etiam notare liceat, talem habitum isti pulchritudini, ac venustati sexui propriis, maxime opportunum.

Ab eodem fonte quoque ista ad plethoram  
proclivitas,

\* Hall. El. Phys. lib. XXVIII. p. 2. Monro Ost. p. 296.

† Hall. El. Phys. lib. XXVIII. p. 160. 161.

‡ Cl. Wintr. Exp. Inq. ex. 18. 19. 32. 33. &c. El. Phys. lib. XXVIII. p. 2. et 161.

proclivitas, in corporibus foemineis adeo notabilis, magna ex parte, oriri invenietur. Etenim, praeter vim illam occultam, si quae sit, qua corpus muliebre plus sanguinis ad munera pariendi et lactandi parare possit, ingestorum ac egestorum diversitas eundem necessario edet effectum. Virium moventium debilitas, arteriarum laxitas, simul cum venarum resistentia, circuitum sanguinis languidum, tardasque secretiones progignent, quae in vasis a corde remotissimis, uti in superficie, praecipuae evenient; et mulieribus quam viris minorem perspirationem compertam habemus\*. Hinc patet, foeminas ex corporis habitu non tantum plethorae magis esse obnoxias, sed ab iisdem causis, emunctoriis consuetis ad expellendum minus idoneas; ita *staticis* experimentis †, aequae ac usu quotidiano, plus sanguinis, *cæteris paribus*, foemineis corporibus quam virilibus inesse, demonstratum. Vita quoque sedentaria, cibus solutus, calidus, et quies supervacanea, quibus mulieres plerumque tam profuse sese indulgent, multum huic ad plethoram habitui et laxitati jam dictae, conferunt: Et hoc a diversitate

\* Sanctorius, Cockburn, Haller, Friend, Pitcairn.

† Hales Haemastat. p. 12.

te temperamenti foeminei, prout magis minusve his causis objicitur, adhuc clarius liquet.

Ex hac dote peculiari habitus muliebris, qua plus humorum, quam ad sua corpora alenda sit necessarium, colligunt, congestionem hanc eo brevi invaliduram apparet, ut totum systema vasculosum opprimeretur, et omnia corporis munia turbarentur, nisi provida natura, suae prolis tutela, periodico ex utero sanguinis effluxu, hanc injuriam penitus amoveret. Hic fluxus cunctis foeminis ubique terrarum contingit, et quarquam per loca, cibum, ac alias causas variatus, attamen ita incipit, et tamdiu manare perstat, quamdiu systemati unicuique convenit.

Una autem cum laxitate ac plenitudine habitui foemineo nativis, alia etiam aegrotationis causa, nec minus periculosa, nempe specialis animi corporisque Mobilitas, qua unoquoque impulsu celerius agitantur. Ea nervosi systematis conditio, qua vis sua facilius excitatur, et irritamenta singulis partibus citius communicantur. Hanc mobilitatem nervosam, in utroque sexu laxitati et inanitati saepe annexam, invenimus, five ex morbo, five quodam constitutionis statu, sicuti infantili, &c. orientem. Laxatione autem mulieri quam homini magis insita, mobilitas quoque illi natalis



natalis videtur ; ac nihil fortasse in quo temperamentum foemineum et masculinum magis seu constantius inter sese differunt, quam ea mobilitate qua foemina citius agitatur, ac motus variofque affectus animi patitur. An hoc unquam ad levitatem, five animi inconstantiam, cujus a nonnullis sexus accusatur, perveniat, utrumne poeta rite cecinit, quod *varium et mutabile semper foemina*, experientia mea dijudicare nequeo ; at, si huic dicto quid causae omnino sit, legibus a natura constitutis, quam ulli morum pravitati, tribuendum ducimus.

Tametsi plurima morborum exempla hanc mobilitatem tam saepe inanitionem comitari ostendant, interdum vero statui omnino adverso, nempe plethorae, connexam inveniemus : Et haec posterior mobilitatis conditio inter foeminas plerumque obtinet. Pathologia systematis nervosi, quamvis nuper admodum exulta, multis tamen in partibus obscura et imperfecta adhuc restat ; atque id de quo loquimur, hujus imperfectionis, inter alia, est exemplum. Ex anatomia dilucido patet, nervos se vasis sanguineis socios dari, quasi necessario in muneribus fungendis alia ab aliis penderent. Si quadam tensione nervis sit opus ad munera apte exequenda, annon probabile, eos hanc  
tensionem

ensionem a plenitudine in vasis proximis, saltem ex parte, accipere posse; et prout haec plenitudo major vel minor est quam expedit, nervorum tensionem fore plus minusve variata n?

An hoc argumentum verisimile sit, non est nunc inquirendum; attamen sine dubio, complurium morborum memoria eo spectat, ut cuiusque habitui debilitas systematis nervosi mobilitasque antea insint, vasorum plenitudo hanc mobilitatem magis augebit. Hoc, magna ex parte, in epilepsia probatur, qua mobilitas habitum ad hunc morbum proclivem efficere videtur; causae autem quae saepissime paroxysmum afferunt, hae sunt, quae cerebri vasis plenitudinem inducunt; quidam, sciz. animi affectus, corporis violenti motus, potiones inebriantes, &c. Via quoque optima morbi ejiciendi seu sublevandi ea est, in qua totius corporis plethora, vel nimius sanguinis in cerebrum fluxus, impeditur. Idem fortasse de mania, etiam ac de variis convulsivis morbis, dicatur: At, ni fallor, de morbis plerisque mulierum verissimum est, quibus laxitas et mobilitas sunt insita, et quarum habitus eo semper irritabilior, morboque proclivior, quo magis augetur plethora. Hinc tempore menstruali irritabilitas summa, cum foeminae non tantum morbis recentibus ma-



gis obnoxiae sint, et, ob causas quae aliter vix injuriam adducerent, sed morbi olim existentes nunc in pejora ruunt: Inde hysteria, seu ea affectuum nervosorum turba, cui id nomen inditum, saepissime plenos sanguineosque habitus aggreditur: Hinc praeter aliis viduae juniores, foeminae steriles \*, puellae quibus menses obstructae, et quae vitam in otio luxuriosam agunt, huicce morbo sunt admodum obnoxiae: Hinc denique sanguinis detrahendi, hisce in casibus, utilitas, crebraeque exercitationis, ac tenuis diaetae, ad ea mala resistenda, &c.

Quoniam vero non jam de sanandis, sed magis de morbis foeminarum praeveniendis, agitur, ita ingenium habitus, unde hi morbi magis minusve prompte oriantur, exponere oportet.

Ex supra dictis, mihi verisimile videtur, laxitatem, plethoram, et mobilitatem, foemineo habitui, tum constitutione, tum vita, adeo communia, esse causas quae sexum ad morbos diversos, magis sibi proprios, maxime accommodatum reddunt: Et quo major earum conjunctio, eo amplior vis causarum excitantium in morbis hujusce generis creandis erit. Inde, ut optime mulierum sanitati consulamus, hujus ingenii ne nimium crescat

\* Hoffm. op. Vol. II. p. 51. 52.

creſcat proclivitas, cavendum eſt: Simul vero omnis cauſa occasionalis ſedulo evitanda. De hoc autem plenius alibi.

Apud ſcriptores medicos, qui de morbis foemineis tractarunt, diu percrebuit opinio, eos ex morbido uteri ſtatu, et praecipue ex menſtrui irregularitate fluxus, originem ducere\*. Hinc theoriae de mutatione uteri ſitus, de vapore quodam ſubtili exinde proveniente, et organa remota irritante, de ſanguine menſtruali pravato, et de ſeminali materia (*lympha ſeminalis Hoffmanni*), in ſyſtema reabſorpta, &c. quae omnia, quantum a veritate abhorrent, neminem nunc latet.

Haec ſententia ex obſervatione ſat juſta oriri videtur, nempe, fluxum menſium temperatum plerumque mulierum ſanitatem ac foecunditatem indicare; itemque, poſt obſtructiones ſubito inductas, totum corpus injuria ſaepiſſime vexari.

Annon vero idem de aliis muneribus, quae illis aequae nativae et ſtabilia ac menſes, dicere liceat? Nonne perſpirationis, vel cujuſvis naturalis aut ſolitae excretionis, obſtructio, caetera corporis officia, habitu praecipue irritabili, conturbat?

\* Morborum omnium uteri cauſae ſunt, Hip. de locis in hom. cap. 15.



bat? Annon varia symptomata quibus designatur hysteria, saepe a fluore albo, fluxu haemorrhoidali, &c. aequae ac mensibus suppressis, oriuntur \*?

Praeterea, hae affectiones morbidae saepe obtinent, quum menses, eodem tempore, sine impedimento fluunt; nec ullum morbi indicium in utero observandum; unde Hoffmannus, “Novimus virgines, haud secus ac foeminas annosas, hysterico malo pertinaciter laborasse, quibus tamen menses vel haemorrhoides satis liberaliter profluxere †”. Immo, saepissime videmus hysteriam, omni diversa specie, aliorum viscerum statui, sicut ventriculi et canalisi alimentarii, potius quam uteri, annexam; ejusque paroxysmos citissime excitatos irritamentis ad eas aliasque partes remotas, genitalibus organis penitus illaesis: Ita materia peculiaris in ventriculum assumpta, impulsus certi in aures naresque, et, prae omnibus, animi affectus, in habitu praedisposito, vehementissimas commotiones cient, mensibus profuse et ex ordine manantibus, seu muliere nupta ac pariente. Porro, observandum est, utero ulceribus,

\* Hoffm. op. vol. 2. p. 63.

† Hoffm. op. vol. 2. p. 54.

ceribus, tumoribus scirrhis, &c. vexato, talia symptomata haudquaquam semper adesse. Et, quando hysteria aut chlorosis diu perstiterunt, rarissime uterus, cadavere secto, laesus aut mutatus deprehenditur\*.

Ne quidem obstructions jam inductas semper malis hystericis, aliisve motibus violentis, necessario comitatas offendimus. Ita primis graviditatis mensibus, cum jam copia sanguinis, quam quod foetus requirit, amplior, ac summa plenitudo appareat, systema, nisi in laxis ac delicatis, haud magnopere afficitur; dum mulier agrestis, quae vulgo parce menstruat, vix quicquid incommodi exinde sentit. Neque raro evenit, foeminas istiusmodi, etiam celebres, periodum menstrualementem impune transire†; siquidem systema solitis secretionibus ad superfluum expellendum satis viget; et eo magis, quia, victus cultusque ratione, sanguis iis raro abundat. Nota mihi fuit virgo agrestis, quae, primum inter menstruandum, tanto pudore capta, matre sua improvise occurrente, ut fluxus statim esset suppressus, et tribus annis exactis non redierit: Nullum attamen hysteriae

\* Manning on female diseases, p. 211.

† Tissot avis au peuple, chap. XXVI. §. 355.



teriae aut chloroseos indicium, vel ulla altera aegritudo, nisi ravis et angina, quibus saepe afficiebatur, illinc supervenissent. Vitam operosam simplicemque agebat. Foeminas quasdam, etsi paucas, valetudine bona usas, liberosque peperisse, quibus menses nunquam extiterint, satis constat \*; et fluxus diversitates quas regio, cultus, et morbi quidam inferunt, manifesto comprobant, hanc functionem toto cum habitu intime connexam esse, et totius habitus conditione, aeque ac ullam aliam functionem, mutari.

Hic loci vero nequaquam negare vellem, menses abnormes, et praecipue obstructas, morbos muliebres saepenumero gignere: Contrarium experientia patet. Etenim, cum systema animale ex partibus diversis constet, quibus natura diversa munera dedit, et quoniam sanguis visque nervosa cuique parti pro ratione mittitur, ita quodcunque impedit quo minus pars ulla copiam sibi debitam accipiat, in causa sit, cur ad alias partes nimium mittatur: Hinc menstrui fluxus suppressio, sanguinis justo circuitu turbato, morbos plurimos inferre potest. Semper tamen continget, ut quo magis sit praexistens laxitas mobilitasque,

co

\* Boerh. instit. §. 662.



eo facilius haec mala inducantur, aut, si jam induc-  
ta, eo magis valeant.

Itaque, etsi obstructions saepe morborum prae-  
validae sint causae, tamen plus quam par est vul-  
go iis tribuitur; et saepissime medici in errorem  
labuntur, medicamenta topica ad fluxum men-  
strualem cohibendum, vel restaurandum, adhi-  
pentes, ubi ratio systematis universi praecipue  
habenda esset; quo resecto, menses, pariter ac  
omnes aliae functiones, rite ut antea peragen-  
tur.

Ut morbi foeminis proprii, magna ex parte,  
e virium motricium defectu oriuntur, ita medi-  
camenta, quorum auxilium cito transit, ad eos  
morbos expellendos, ac multo minus resistendos,  
haud magnopere valebunt. At, si qua resisten-  
di, iis modis tantummodo fiat, qui ad systema  
mutabile firmandum sponte valeant, rerumque  
quibus nomen *nonnaturalium* inditum, adminis-  
tratione perita. Eodem vero tempore errores  
omnes, qui, ex legibus foemineo habitui propriis,  
nocere possint, sedulo sunt cavendi. Hoc autem  
ad partem secundam argumenti ducit; ubi ea  
quae praecipue noceant, et quibus modis evitan-  
da, indicare propositum est.

P A R S

## P A R S S E C U N D A.

Hanc partem argumenti, ut omnia magis in propatulo sint, in tres sectiones divisimus. Quorum,

*1ma*, A pueritia, donec habitus penitus adoleverit, ac mutationes pubertatis insigniores expertus sit, extenditur.

*2da*, A pubertate, ad tempus quo menses cessare solent; cum monitis nonnullis huic stadio idoneis.

*3tia*, Quasdam de graviditate observationes complectetur; nonnullis de puerperis et nutribus adjectis.

## S E C T. I.

Omniū animalium, ac praecipue generis humani, primordio vitae, partes et compages sunt molles, tenerae, ac succulentae. Cor pro magnitudine corporis amplius, citius et liberius movetur, frequentius quam postea pulsatur. Arteriae laxae et amplae pro venis \*, et universa-liter sanguine distentae.

Ita

\* Clift. wintring. exper. inq. exp. 1. 5. 6. &c.

Ita fieri videtur, ut ex hoc vigore ac velocitate cordis, cum laxitate et ductilitate solidorum, corpora animalium initio aetatis cum annis crescant; nam, quo minor aetas, eo amplior, prae caeteris partibus, vis cordis: Hinc fit, ut animalia, quo cunabulis propiora, eo celerius, vasis ac fibris vi cordis facile cedentibus, crescant \*.

Sed actione vitae continua, corporumque quibus semper circumdati sumus pressione, partes solidiores paulatim densantur, gradatim rigescunt; dum ex vasis minutioribus nonnulla inter sese coalescunt, et in solida mutantur; materiaque accreta, forma pullulet, corpusque amplius et robustius fiat. Hinc, vi cordis distendenti, uti corpus amplificatur, indies resistitur; donec, quodam tempore vitae, solidarum partium resistentia cordis impulsui fit aequalis; quo tempore animal crescere definit, et res stat in aequilibrio.

Sed haec actio continua, qua corpora animalium adolefcunt, non aequaliter, uti primo intuitu nobis videretur, per universum habitum obtinet. Quarundam partium ita constituuntur stamina, ut in his fit evolutio celerior quam caeteris; et hinc elongatio rigiditasque maturior citius facit

C

aequi-

\* Hall. El. Phys. lib. XXX. p. 25.



aequilibrium. Hanc evolutionem serie continuatam manifesto habemus compertam; causae vero in ambiguo stant, et stabunt, donec leges quibus animalia procreantur, staminaque corporum primaria, magis enotescant. Videretur autem generalis oeconomiae salutis necessarium, ut ad fastigium incrementi membra corporis diversa, alia prae aliis, crescendo evaderent; praecipue cerebrum, ut fons vitae motusque, primum perfici expedit; sine quo nec sensuum organa, initio vitae, nec caeterae partes postea, evolvi queunt. Post cerebrum, abdominis et thoracis viscera invicem evolvuntur\*; tum pelvis et membra externa genitalia adolefcunt.

Sed, diversis membris sese evolventibus, sub tempus genitalium summae evolutionis, totus habitus mirum in modum afficitur, mutationesque maxime insignes patitur. Jam natura sexus manifestius apparet. Jam quid velint mas et foemina innotescit; membris perfectis, uterque sua munera, a natura cuique praescripta, exsequi gaudet.

In habitu foemineo, hoc aevi tempus jucunditate plenum, sed a periculis minime securum, mi-

ra

\* Hall. El. Phys. lib. XXVIII. p. 164.

serie signorum, non minus oculorum acie quam genii inspicienda, notandum est. Jam florenti forma, puella sensim et celerius formosior ac minor fit \*. Jam rubicunda facies proprios inicit honores. Jam oculi novo lumine ardeant. Melius inter sese membra consentiunt; et novi affectus novum incessum condiscunt. In anni rerum serie sexum sentire videtur, et facta, verba, lumina, virginem puberem probant. Mammæ brevi tempore, at non sine sensu doloris, sese figunt. Pelvis praesertim quaquaversus expanditur. Extrema inferiora extenduntur; membraque foeminis propria sese amplificant, et vestimentum illum, nunquam postea deponendum, sumere recipiunt. Jam totum corpus languescit; taedium, lassitudo, et torpor invadunt; gravitate et dolore capitis laborat: Levem febrim caloresque errantes, cum *anorexia*, patitur. Pelvis tandem et umbilici insignius laborant gravitate, calore, et docta tensione, usque ad pudenda extenta, ubi virgo solita, quae nolit et nescit patefacere, sentit. Primum humor serosus, deinde ipse sanguis, e vagina exudat; et hic fluxus, pro habitu corporis, ad

\* Hall. El. Phys. lib. XXVIII. p. 139. Hoffm. Oper., Vol. II. p. 53. Buffon, T. IV. p. 222.



ad quintum aut sextum diem, durat ; deinde cum omnibus signis evanescit. Incerto autem tempore, sed vulgo amplius mense, idem fluxus cum symptomatibus quibusdam redit. His per quaedam tempora repetitis, tandem mensem circiter lunarem reditus fit ; quod tempus et naturae, et salutis consentaneum videtur apud foeminas omnium gentium ; etiamsi singulae quandoque aliter sese habeant.

Haec phaenomena primam mensium eruptionem vulgo signant : At, si habitus sit robustior, multa ex his forsitan non sentiuntur.

Quum haec facies rerum non sese ostendat, nisi tempore quo evolvuntur genitalia ; an supputemus igitur, menses caeterasque mutationes quas corpus circa pubertatem subit, a genitalibus solis pendere ?

Non eo inficias quin vasa uterina sint prius evolvenda, quam fluxus menstrualis appareat ; sed tot tantique affectus, hoc tempore vitae, praeter fluxum menstrualementem, obtinent ; adeoque et animi et corporis habitus mutatur, ut ea omnia conditioni soli genitalium adscribere, animus recusat ; sed vi, magis universaliter agenti, haec effici videntur.

Summa

Summa cura, summa observantia, judicia de legibus, et quae ad actus complexi corporis animalis pertinent, facere debemus; quoniam tantum de principio vitali invisibili pendeat, quod aciem quidem ingenii prorsus eludit, nec cum materia ullam analogiam tenet.

Primis annis vitae, humanum systema adhuc maxime imperfectum apparet, cum plurimae ex his facultatibus, quas postea adipiscitur, omnino defint, et natura, uti videtur, ea sola suppeditet, quae ad corporis tutamen et incrementum necessaria sunt. Quum autem corpus jam firmitus et validius ad staturam justam progrediatur, propositum naturae videtur, ut subitam et insignem mutationem omnibus partibus subiret. Vitae facultates plures et valentiores, quam antea, cito fiunt; et natura plus vinculi non amplius sentiens, quasi pristinae morae, et tarditatis taederet, uno insigni et notando nisu e pueritia ad pubertatem breviter evadere tentat: Et ad ea munia exequenda, tum animo, tum corpore, adultis divinitus praescripta, non tantum progredi, sed magis proficere videtur. Hinc illum subitum virium vigorisque incrementum. Hinc celeritas qua utriusque sexus non tantum genitalia, sed totum corpus, adolescit: Vox mire mutatur: Barba pullulat:



lat : Membra cito insigniter consentiunt : Jam haemorrhagiae frequenter obtinent, praecipue illa haemorrhagica vis foeminina unde menses fluunt. Nec mens alter, aut minus celeriter, mutatur ; nova desideria invadunt ; nova gaudia captantur ; sensus et ingenium alio spectant : Vir totus denique, tum corpore tum animo, quasi de novo fabricatur, adeo ut complures medici, in morbis quibusdam chronicis curandis, huic notabili mutationi soli prudentissime fidunt.

Sed, quaecunque de pubertate nobis sententia sit, cuncta phaenomena ex genitalium evolutione necessario pendere, vel, quod mihi magis arripet, naturam hoc tempore, uti mutationem totius habitus efficeret, pro viribus niti ; hoc, ni fallor, concedendum erit, quodam robore ac tono diversarum partium, totiusque systematis facultatibus has mutationes efficientibus, opus esse : et quodcunque systema debilitat, motusque naturales tardat, huicce rei magnopere adversari.

Sed tali systematis imbecillitati ex nativa molitie, solitisque negotiis, et haud semel e ratione vivendi abnormi, foeminae potius quam viri sunt obnoxiae : Quibus omnibus, habitus non tantum ad munera pubertatis rite fungenda parum idoneus redditur, verum etiam laepe evenit, ut per quosdam

lam annos, priusquam ad hanc aetatem provectae  
 ant, debilitate magna ac languore, simul cum illa  
 laxitate et cachexia *chlorosis* dicta, affligi incipi-  
 nt; in quo statu omnes corporis functiones mag-  
 opere laeduntur; mensiumque fluxus, iusto tem-  
 pore elapso, penitus supprimitur. Haec sup-  
 pressio a duabus causis praecipue pendet; pri-  
 mum, vires assimilantes sunt tam fractae, ut sangui-  
 nis sat sani haud comparetur; deinde, totius sy-  
 tematis tonus adeo demissus est, ut nifus haemor-  
 rhagicus iustus effici nequeat. Cum ita res sese  
 habeant, medicamenta emmenagoga, et relaxantia  
 topica, inepte adhibentur, ex opinione vulgo re-  
 cepta, quod chlorosis a mensium obstructione uni-  
 versim pendeat: Attamen, obstructionem hic ex  
 imbecillitate generali oriri, abunde patet. Cum  
 vero emmenagogis aliisve rationibus fluxus per vim  
 adducitur, laxitate adhuc permanente, aegrota  
 adeo dolore non levata, ut exinde potius deterior  
 fiat \*. Hinc convenit, ut remedia ad totum sy-  
 tema afficiendum, ad fibrarum moventium vim  
 redintegrandam, et ad vasa sano sanguine implen-  
 da, accommodentur; quibus modis mensium  
 fluxus,

\* Tissot. avis au peuple. chap. XXVI. § 353.



fluxus, aequae ac aliae systematis functiones, rite progredientur.

Jam vero ea vitia ac errores, quae ad systematis tonum frangendum ante puberem aetatem, muneraque naturae tunc temporis impedienda, tendunt, indicare oportet. Quoniam autem, in tam arcto curriculo rerum profuse differere non licet, ea sola quae magis communia, et majoris vis habeantur, attingam; ac de iis praecipue quae ad *diaetam*, *exercitationem*, et *vestimentum* pertinent, dicturus sum.

*Diaeta.*—Primis annis vitae, utriusque liberi sexus eodem fere modo tractari, ac lacte materiaque farinaria, uti maxime decet, plerumque vesci, consueſcunt. Quum vero e cunabulis evadant, puellae sodalibus sui sexus junguntur, quarum mores exinde natura imitantur; quarum alimenti etiam participes sunt.

Seculo luxui dedito, homines variae palato indulgebunt, his praecipue cupediis inhiantes, quae ad genium oblectandum, potius quam ad valetudinem confirmandam, pertinent. Et, cum foeminae magis domibus aetatem agant, nec animos negotiis procul agendis dedunt, tales indulgentiae quarum plurimae ad tonum viscerum digeren-



digerentium, et hinc totius systematis, imminuendum tendunt, apud eos frequentiores sunt.

In his maxime notandus calefacti usus liquoris, ac praecipue theae, quae maxima jam pars potionis mulierum, bis die, nisi in pauperrimis, large potatur. Jam ferme ab omnibus huic plantae vis sedativa tribuitur, et hanc ill. noster Cullenus in propria persona expertus est. Sed, praeter hanc qualitatem, quam consuetudo fortasse innocuam reddet, tantum calidi liquoris in ventriculum et canalem alimentarium demissum, ad eorum fibras solvendas necessario magnopere valebit. Et maxime mihi vero consentaneum videtur, eorum crebritatem morborum, qui hisce temporibus nervosi vulgo dicuntur, e solidis vero laxis et irritabilibus manifesto progredientes, magis ex nimio theae usu, quam ulla alia causa, pendere.

Hoc autem non magis medicis quam foeminis notum est: Consuetudinem vero, jam usu ac desiderio inveterascentem, spes superandi amplius nulla manet: Opera tantum nodo malum quod corrigere nequimus, ut levius reddatur, navanda est. Et ad hoc perficiendum, amicis tenerioribus enixe suademus, ut liquorem dilectum nec nimis calidum, nec nimis profuse bibendo, ab injuriis

quas frequentissime paret, sibi caveant; ac praecipue matribus hoc consilium dandum est, ut hunc liquorem filiabus crescentibus parca manu impertiant.

Aliud adhuc restat quo organa digerentia multum debilitantur; nempe, nimius acidorum dulciumque usus, quae adeo a puellis adpetuntur. Multum acidi certissime corpori nocet; praecipue ex vi sedativa perpetuo acidis connexa, et e fermentatione morbidâ vinosa exinde saepissime orienti, qua, aëre mephitico largiter extricato, fibrarum motricium contractilitas diruitur, omniaque *dyspepsiae* signa viscerumque debilium gignuntur. Corpora quae in hanc fermentationem facillime ruunt, ea sunt quae magnam materiae saccharinae partem complectuntur, praesertim si cum acido fuerit conjuncta; sicut fructus recentes, vina, cerevisiaeque haud satis fermentata; nec non olera, condita, fructus arefacti, &c. quae in ventriculis infirmioribus eundem edent effectum. Haec omnia igitur sunt sedulo evitanda, vel saltem parce adhibenda, puellis quibus sanitas integra est curae. Caeterum, omnibus aliis quae ventriculo tuboque alimentario officiunt, aequè cavere oportet.

Haud

Haud minus errores qui in potu vulgo admittuntur denotare necessarium est : Et in primis notandum, puellas, praecipue urbanas, cerevisiam tenuem, aliosque liquores ex brasio confectos, latice posthabito, indies combibere. Ipsi mihi notae puellae quae toto hebdomade a potu omnino abstinere, quam aqua simplici uti, mallent. Hoc aquae fastidium in vitiis diaetae maximis habendum, et procul dubio matricibus ac nutritibus culpa est vertendum ; quia facilius latici quam ulli alii liquori liberos affuefacere possent. Potio certe partem haud exiguum victus constituit, et, dummodo bona sit, ad corrigendum quicquid vitii cibo solidiori insit, magnopere confert. Gelidi fontis aqua animalibus certissime a natura in potionem destinatur, et haud dubie cunctis aliis liquoribus longe longeque antecellit ; atque horum unusquisque, quo latici proprior, eo usu potior est habendus. Cibus enim crassiozem latex purus quam optime solvit, cum humoribus sese perfacile miscet, variisque secretionibus aptissime subministrat.

Mediocritas aurea simplicitasque sunt naturae amicissimae ; nimia enim parsimonia nec placet nec prodest. Copia cibi simplicis idonea, intervallis propriis assumpta, aqua simul affatim adhibita,



bita, omnibus conveniet; utpote quod tonum et systematis vigorem sustinet, quo organa varie rite perficiantur, et pubertatis munera, a quibus subsequens corporis sanitas adeo pendet, probe expleantur.

Sana corpora rite gerere, sanisque consulere, perfacile; quidam vero sunt status a morbo tantillum discrepantes, ut victus totiusque regiminis rationem habere necesse est.

Ut supra notavimus, corpus dum crescit humanum semper in statu plethorico est; hujus tamen incommoda vix prius percipiuntur, quam ad aequilibrium, vel saltem ad pubertatem, provehitur, quando plethora morbida, praesertim corporibus foeminarum sanguineis laxisque, saepissime contingit: Sanguinis enim accumulatio, pro ratione virium moventium, nimia fieri potest; vasa, supra quod par est distenta, contractilitatem perdent; hinc sanguis justo lentius circumire, totumque systema illud conamen nimis praestare nequit, quo menstrua, aliaeque hujus periodi phaenomena, efficiuntur.

Contra ea, tonus systematis hoc tempore nimius fortasse evadet, et naturae molimina justo violentiora: Ita ut, in diversis corporis partibus, pro laxitate cujusque, haemorrhagiae effluant pericu-

periculosae, et menses ipsi adeo effundantur profuse, ut labefactetur corpus, ipsaque periclitetur vita.

In hisce conditionibus, quae sub pubertatem saepenumero oriuntur, praeter evacuationes arte productas, curandum est, ut diaeta rite moderetur, ut a carnibus animalium, cum omnibus stimulantibus, caveatur, et refrigerantia, simplicia, mitiaque sola adhibeantur.

Semper tamen memoria tenendum est, statum adversum aliquando obtinere, ubi a vitio corporis nativo, vel, quod forsan saepius fit, a quibusdam cultus erroribus, motus systematis languescunt, et, vasis sat sanguinis sani non recipientibus, corpus universum ad eam laxitatem, a qua pendet chlorosis, sensim sensimque declinet. Hoc ergo regimen priori contrarium indicat; tenuis diaeta vegetabilis modicae cibi animalis quantitati posthaberi debet; et quicquid aliud alimentum subministrat, viresque moventes auget, adhibendum est.

*Exercitatio.*—Si in foeminarum valetudine tuenda, regimen ad unum aliquod restringere mihi necesse esset, id unum exercitatio foret. Hac enim posthabita, frustra alias salutem quaerimus; frustra quaesitam servabimus.

Corpora

Corpora manifesto ad agendum formantur; alimentum vulgo labore et industria acquiritur: Natura, omnia prudentissime agens, uti ex membrorum exercitatione et sudore frontis vitam sustineamus, voluit. Artificum membra, aliaque praeterea exempla, demonstrant, fibras moventes plus vigoris et firmitatis usu adipisci: Etiam motibus his involuntariis, a quibus vita immediate pendet, externae actionis totius corporis opus est, sine qua breviter decrescunt, et ad munera propria fungenda incapaces fiunt. Exercitationi etiam tribuendum est, quod animalia fera et viribus et valetudine mansueta ejusdem generis antecellant; quod operarii otio vitam agentibus vulgo robustiores sint; quod ancilla sese domina validiorem et firmiorem habeat.

Si non sit a vero absconum quod supra diximus, nempe, morbos foeminis proprios e laxitate, plethora, et mobilitate oriri, ne fiant nimii, exercitatione, ut facile appareat, providendum est. Hinc enim, fibrae moventes universae consolidantur; sanguis celerius toto corpore diffunditur; secretiones et excretiones diversae promoventur: Et hinc denique justum illud fluidorum ac vis nervosae aequilibrium, a quo salus et salubritas vitae



vitae praecipue pendent, singulis partibus fervatur.

Imprimis maxime mirandum videtur, id quod omnes probe noscunt, cui omnes consentiunt, a tam multis fere in nullo pretio haberi. Nullus error inter foeminas, in cultu vitae, ignavia major aut nocentior est ; et, etiam si negotia ac officia quae dicantur foeminina sint, magna ex parte, exercitationi inimica, attamen facile credam ea plus relaxationis, quam plerumque illis in usu est, admittere. Sed frustra de puellis retinendis dicimus, antequam ad res domesticas administrandas accedunt. Procul dubio in virginibus honestioribus educandis vitium est, quod domibus claudantur, immo quod eodem loco a mane ad vespere, operulam quandam nullius pretii perficientes, sedi affixae sint, quum pars major diei praeis currendo, cumque sodalibus ludendo, melius ageretur. Lycurgus, ille Spartae sapiens legislator, cujus aciem ingenii nihil quod patriae salutis foret effugere videtur, lege sancivit, ut, tam virgines quam juvenes, corpora cursu, palestris, &c. quotidie exercerent \*.

Nullum

\* Plut. tom. I. p. 47.

Nullum genus socordiae salutis virginum, fomino in multum mane protracto, nocentius est. Hinc enim, calore et perspiratione abundanti, fibrae totius corporis laxantur, quasi continuo balneo vaporato versarentur. Praeterea, haud vero alienum videtur, in hoc statu alimentum copiosissime partibus accommodari, et hinc plethorae corpus maxime obnoxium reddi.

Quodque genus exercitationis, dummodo ne sit nimia, puellis convenit: His currere, ambulare, equitare liceat: Saltare quoque, si a violentia et frigore caveatur, ad salutem et hilaritatem confert. Canere etiam, harum sanitati quam vulgo creditur, amicior est; hoc modo enim fit, ut sanguis per pulmones liberius circumfluat, ut per illud organum perspiratio iusta perficiatur; eodemque tempore ingenium serenat, mentique moestitiam adimit.

Balneum frigidum, ut alterum exercitationis genus, quo laxitate et mobilitate rectissime obviam eundum est, virginibus apprime utile erit. Inter nos parvi pretii habetur; attamen etiam gentibus barbaris experientia constat, tam salubre esse corpori humano, ut omnes fere in hunc usum sese iubenter tradant. Terris soli propioribus,

bus, in vitae oblectamenti ponitur, et in quibusdam regionibus inter sacra habetur.

Circa pubertatem, exercitationis justum regimen, ut cibi, est prorsus necessarium. Si systema ad plenitudinem spectet, vasaque turgidiora fiant, motus aut exercitatio violenta, sanguinem nimium cuidam ex organis tenerioribus subito immittendo, periculosum est, et saepe nocebit. Et non aliter, si systematis tonus jam violentior sit, exercitatio eo amplius vim haemorrhagicam augebit, facileque ex utero, seu alio quodam organo, fluxum sanguinis nimium efficere potest. Emetica et purgationes validiores, eadem ratione, sunt hoc tempore evitanda.

In habitu etiam corporis maxime naturali ac salubri, tantum plenitudinis et virium moventium actionis sub pubertatem saepissime obtinet, ut regimen haudquaquam praetereundum sit; cibo et exercitatione modica uti, necnon corpus mentemque irritamenti vacuam fervare, necesse est.

Sed statu contrario languoris et inanitatis, de quo supra dictum est, exercitatio, uti mihi videtur, ad solida firmanda, ac vim totius corporis excitandam, rectissime ducit; et hinc variis chloroseos ac hysteriae affectionibus, quae aliter obtinerent,



tinerent, rite occurritur. Immo, si de his ipsis morbis curandis ageretur, exercitationi magis quam omnibus aliis juvamentis confiderem. Experientia argumento plus valet.

Mihi nota fuit virgo generosa adolescens, quae dotibus animi non alia insignior ulla; affectionibus vero hystericeis gravissimis, cum mensibus obstructis, languore universo, aliisque chloroseos indicibus, laboravit. Medicamentis plurimis emmenagogis ac antispasmodicis, consilio medicorum, sed frustra, adhibitis, dolores adeo adaugebantur, quum primum mihi conspecta fuisset, ut duae horae vix unquam praeteribant, quin paroxysmum hystericum pateretur, ea symptomatum in statu corporis et animi varietate, quam aut unquam vidi aut legi: Summa praeterea erat ei laxitas, languor, et inanitas. Medicis, quibus plus ingenii et experientiae erat, absentibus, necessario, si qua juvarem, aegrotanti advocatus sum. Primum, moschi doses iteratas ministravi; et inde, paucis diebus, intervallum erat plurimum horarum inter paroxysmos. Jam ad equitandum se contulit; et in ea exercitatione, quantum viribus valeret, ferme omni alia medicina deposita, quotidie perseveravit. Brevi, vires crescentes, aucta cibi appetentia, experta

experta est. Paroxyfmi jam mitiores, non nisi intervallis longioribus redibant. Color denique corporisque habitus, ac tandem menses ipsae, cum alia quaque facultate, sensim redintegrantur; ita ut, quatuor seu quinque mensium spatio, valetudo non tantum restaurata, sed confirmata videbatur.

Accidebat autem ut, anno sequenti, obitum amici subitum de improvviso edocta, languore, anxietate, levique paroxyfmo hysterico, correpta fuisset; sed, equitando per spatium trium aut quatuor dierum, aegrotatio omnis evanuit; et virgo iterum penitus ad sanitatem reddita, nec in hunc diem quicquid aut animi aut corporis pristinae infirmitatis sentit.

*Vestimentum.*—Quum ea in vestitu muliebri quae ludibrium seu levitatem signent, nec tempus est nec animus indicare; quo modo tamen salus corporis exinde sit affecta, quam paucissimis absolvam.

Quodcunque nobis de caloris animalium origine judicium sit, hunc calorem cum quadam cordis vaforumque activitate conjunctam semper inveniemus: Et, quum omnes systematis vires moventes in foeminis debiliores sint, ita hinc colligendum, habitum foemineum, minus quam masculinum,



culinum, caloris generare; et hinc quoque mulierum corporibus auram calidiorem et plus vestimenti convenire.

Sed, quando caloris aggregatio in corporis superficie ad systema relaxandum magnopere tendit, ac praesertim quum sat caloris corporis exercitatione facillime excitari queat, foeminis, ac praecipue puellis, optimum factu ducerem, ut exercitatione libera, modico vestitu, uterentur. Hoc enim modo calor non tantum augetur, sed in augendo solida firmantur, viresque systematis moventes fortiores redduntur.

Mos inter foeminas universim obtinet, ut partes corporis inferiores plus quam superiores tegant. Pelvis lumbique vestibis onustantur, dum cervix ac pectus ferme nuda relinquuntur. Hoc expedire judicant, ut ab injuriis sibi caveant, quas frigore, ad pelvim pedesque applicato, tam facile accipiunt. At nonne magis verisimile est, calorem continuum, qui in vasis uterinis servatur, in causa esse, quod haec tam expedite irritantur, injuriisque levibus constringuntur? Si a primis annis foeminae se consueverint corpora in temperamento aequabili conservare, nec partes quasdam nimio calore fovere, nonne sperandum esset, partibus tenerioribus eam tandem firmitatem fore,



re, ut aequae ac caetera membra, calorem, frigorem, aliaque irritamenta, sine incommodo sustinere valerent? Si foeminarum corpora ita cohererentur, rarius, ni fallit iudicium, mensibus obstructis dolerent; rarius morbis qui e laxitate nimia systematis uterini praecipue oriuntur, uti profluvio mensium, fluore albo, &c. laborarent. Eisdem de causis, eae quae frequenter pediluviiis utuntur, quae sese ante focum luxuriose foveant, seu vaporariis corpora calefaciunt (vitia in quae saepissime incidunt) hisce morbis injuriisque sunt obnoxiae. Eoque in Hollandia ac Flandria, ubi foeminae vaporariis vulgo utuntur, morbis supra memoratis, uti fama fert, frequentissime laborant.

Inter incommoda quae vestitus incongruens gignit, major pars, ac, ni fallor, nocentior, oriri invenietur a *thoracibus*, seu illis capsis nexilibus, *Stays* Anglice dictis, quibus media pars corporis veluti vinculis arctissime constringitur, ut puella, sicuti mores temporum ferant, ad quandam formam fingatur. Sed cuivis, qui vel minime systematis humani physiologiam condidicit, plane apparebit quam necessarius ad vitam sustentandam liber per pulmones sanguinis circuitus sit; quodque motus respirationis alterni, a quibus hoc praecipue

cipue pendet, actione musculorum intercostalium, abdominalium, ac diaphragmatis, una cum costarum elasticitate, peragantur; et quicquid his motibus obficiat, pulmonum dilatationem, ac sanguinis per eos transitum, impediat: Sed, ut haec machina non tantum thoracem cingit, verum etiam majorem abdominis partem quam arcte complectitur, visceraque in diaphragma imprimit, ita hujus musculi actio in thoracis capacitate amplificanda pariter obficatur; inde saepissime malorum cohors, anxietas, dyspnoea, tussis, spiritus foetidus, phthisis, &c. Sed praeter id, quod respiratio immediate officiatur, abdomen continuo et aequaliter premendo, ventriculi ac intestinorum in digestionem functionibus, necessario *thoraces* nocent.

Ita media pars corporis, a *thoracibus* gracilis quidem ac delicata redditur; at sanitas gravissima afficitur injuria, quum proportio partium, et organa quae a natura ad munera maximi momenti destinantur, exinde sint manifesto laesa. Experientia equidem docet, hanc gracilitatem maxime graviditati inimicam esse, mulieresque ea insignes aut ante tempus parturire, seu justo tempore parturientes, maximis doloribus affligi solitas esse. Unde Hippocrates, “ quaecunque gra-  
vidae



vidae praeter naturam sunt graciles, abortiunt priusquam habitiores fiant \*.”

Hac consuetudine corpora puellarum crescentium *thoracibus* compingendi, atque ita naturae legibus quibus pars singula ad justum virium ac incrementi gradum provenire destinatur, obficiendo, vitium nocentius aut absurdus haud facile existimari potest. Hoc maxime forsitan in causa est, cur virgines mulieresque honestiores sunt magis infirmae ac delicatae, magisque deformitatibus et abortionibus obnoxiae, quam foeminae rusticae et operariae, ac longe magis quam gentium barbararum mulieres, quibus haec mala vix nota sunt.

Quotidiana porro observantia patet, quo magis a natura, eo magis a valitudine errari. Constat etiam, virgines graciliores et morbis procliviores esse, minusque illius pulchritudinis et venustatis innatae, qua semper hominum cordibus latissime dominatur, se jactare. Huic consentaneum est judicium Terentii, virginem describentis, cujus formam Chaerea juvenis Atheniensis deperiebat.

“ Haud

\* Hip. aph. §. 5. 44.



“ Haud similis virgo est virginum nostrarum: Quas matres student

“ Demissis humeris esse, victo pectore, ut gracilae fient.

“ Si qua est habitior paulo, pugilem esse aiunt: Deducunt cibum:

“ Tametsi bona est natura, reddunt curatura iuncea:

“ Itaque ergo amantur.”

Amicae autem Chaereae forma longe diversa.

“ Color versus, corpus solidum, et succi plenum \*.”

Inde patet, hanc consuetudinem, etsi antiquam, antiquitus etiam reprehensam esse; ac revera haud facile quicquid magis stolide seu magis audaciter patrare possumus, quam ita, naturae propositis obficiendis, moribus temporum versatilibus inservire.

Optime igitur de matribus ac virginibus meretur, qui his persuadere posset, *thoracibus* depositis, si quid simile necessarium sit, ex materia molli ac flexibili confecto, nec unquam arcte constricto, uterentur. Nam, quum membra semel adoleverint, facilius postea injurias pati, propriae que munera exsequi possunt.

S E C T.

\* Eun. 2. 3.

## S E C T. II.

Hiscæ de constitutione curaque virginum breviter dictis, jam de morbis quibus procliviores sunt foeminae, a tempore procreationi apto, donec menses penitus evanuerint, pauca sunt enarranda. Et forsitan haud abs re erit, primum, liberos quando procreare, quando viris jungi maxime conveniat, paucis inquiremus.

Certum est, omnia animalia majora nobis cognita sobolem priusquam ad incrementi fastigium evaserint, procreare posse: Mulieres quoque postquam menses fluere inceperint, ita sese habent; atque hoc, uti multis placet, naturae habitum ad procreandum aptantis indicium est. Qui autem corporis statum hoc tempore satis attente considerat, et quomodo gestando ac nutriendo afficiatur, ei multa huic sententiae contraria occurrent.

Praeter mutationes insignes quas corpus foemineum circa pubertatem subit, multum justî incrementi adjici saepenumero restat: Et, si sanguis ad hoc incrementum necessarius in foetu alendo expendatur, facile apparet; exinde utrumque nocere;

ri; et non aliter lactatum, qui plerumque valetudini infervit, eadem de causa, hic magnopere obesse. Membra porro teneriora, non jam ad id firmitatis ac amplitudinis provecta, quo ardua pariendi munia impune subire queant. Praeterea, his annis curarum nutriendi, et vigiliarum impatientes erunt. Apud pastores optime notum, pecora, maturius generando, quam multum laedi, sobolemque iis gracilem et imbecillem esse; hinc illis curae est, ne mas et foemina ante justum tempus coeant. Idem, ni fallor, aequa ratione, de genere humano dicere licet; sic Hoffmanni sententia, ‘Hinc est, quod liberi a pueris geniti, etiam pueri moriantur; nec longaevi sunt, nec sani \*.’

Hicce de causis crederem, foeminis procreare non convenire, antequam ad summum staturae vestigium ac virium evaserint: sanguis enim antea ad corpus augendum necessarius, jam superfluum, ad uteri foetusque incrementum optime accommodatur, et ad partus labores perferendos sat virium acquiritur.

Sed, etiamsi foeminis perfectis viribus summoque incremento opus esset, antequam sese maritis conjun-

\* Hoffm. op. t. 5. p. 355.



conjungerent ; tamen, quoniam natura foeminas ad sobolem procreandum destinavit, et ad id ipsum corpus membraque tam callide finxit ; ita his muniis justo tempore exequendis salutis corporis optime consulitur. Quotidiana enim experientia docet, foeminas maribus junctas, utero gestantes, riteque Latonam colentes, valitudine firmiore uti, plusque laboris ferre, quam annis iisdem innuptas, quae cito languescunt, injuriisque levissimis facile laeduntur. Hymenaeo enim et fructifero statu, succi exuberantes non vasis ignave accumulatur, sed usui a natura destinato inserviunt. Res domesticae non sine labore administrantur, lares non sine cura colendi : Sed hanc curam et hunc laborem exercendo, matronae non magis rei suae quam salutis consulunt. Officia enim quae matribus propria dicantur, ad sanitatem et animi et corporis rectissime ducunt. Spes vanae raro fovetur ; operis quod oportet perfici capax, laeta utile inceptum struit, patienter peragit, tandemque gaudet peracto. Raro dubitat de quo incipere praestat, nec incertudine laborat quo compos voti fiat. Verum, praecipue ad salutem et felicitatem confert, quod nuptae certis septae praesidiis quasi in asylo aetatem agant. ubi omnia quae natura postulat libere suppeditantur, et lixa manent.

Sed innuptae longe aliter sese habent. Harum animi et corpora non ita exercentur; conditio necessario non postulat, nec animis placet. Voto naturae maximo inexplato, vix operae pretio ducitur quo sese caetera vertant. Hinc piget moveri. Hinc virgo infelix lucem sodalium quae caetum exosa, loca avia sola quaerit, diemque silentio agit. His aerumnis, hac socordia, solida laxantur, fluida accumuluntur, animus facile turbatur, et ex varia ac vaga mente cohors malorum exoriens, corpus languidumprehendit.

Sed omnium quibus innuptarum conditio sit obnoxia malorum, maximum forsan, et maxime perniciosum est, amor alte animo infixus. Hic mentem tenacissime arripit, vinculisque arctissimis tenet, iudicium domat, animique facultates nobiliores non tantum frangit, sed quasi fascinat, in salutis, et animi tranquillitatis, excidium. Quam dolendum! ut quod caetera animalia ad fastigium felicitatis suae evehit, nos tam frequenter imo malorum barathro deprimeret! Sed virginibus hoc malum praecipue lugubre et miserandum est: Nequeunt quin paterentur; queri non licet. Si quid mali querimur, impertiendo vulgo levius fit: Virginibus tabe amoris pereuntibus pudor et superbia hoc levamentum negant.

Contra



Contra vehementem amorem magis secum contendere placet, quam alterius opim deprecere, aut alteri, qua dolet sagitta, indicare. Contendendo autem vulgo malum amplius crescit; et

‘ Quo magis tegitur, tectus magis aestuat ignis ’

Vel, ut ab illo poeta qui naturam ubique pingit, elegantissime exprimitur,

She never told her love;

But let concealment, like a worm i' th' bud,

Feed on her damask cheek; she pin'd in thought,

And with a green and yellow melancholy,

She sat, like Patience on a monument,

Smiling at Grief.

Quod ad regimen attinet, quo virginum salutem tueamur, postquam ad maturitatem provectae sint; eadem ac jam pubescentibus sunt praecipienda. Ex omnibus constare debet, quae relaxationi nimiae et plethorae systematis obviam ire valeant. Prae caeteris, exercitatio corporis frequens maximo erit usui, ut mens sana in corpore sano fervetur. Quantum prodest exercitium, et ipse labor, a valetudinis diversitate inter puellas, quae vitam laboriosam, et eas quae inertem degunt, manifesto patet. Dieta simplex et quam minime irritans adhibenda est. Omnes quod vi  
relaxanti,



relaxanti, five sedanti praeditum, organa digerentia laedit, sedulo est evitandum. Imaginatio, quantum fieri potest, oblectamentis variis agitanda; jucunda oblivia ruris petenda: Et denique, amicorum prudentium consuetudo his optime adjungetur.

Quod de virginibus dictum est, aequè ad viduas juniores, foeminasque steriles, pertinet.

Praeter mala supra memorata, multa alia restant corpori ingenita, quibus foeminae, five nuptae, five celebres, sunt obnoxiae; ea, sciz. quae ex affectionibus quibusdam uterini systematis magis immediate pendent; praecipue, ubi uteri vasa et fibrae nimis constringuntur vel relaxantur; illud enim menstrua suppressa, cum variis ejus, pro habitus diversitate, sequelis; hoc vero mensium profluvium, fluorem album, abortus, &c. gignit.

Limites hujus opusculi longe superaret haec singulatim tractare. Causas igitur tantum praecipuas indicabo, quae ad hasce conditiones uteri diversas inferendas conducunt. His enim evitatis, plurimis horum malis saepissime obviamitur.

Apud causas diversas quae vasa fibrasque uteri constringunt, omnium frequentissima sunt frigus,  
et

et animi pathemata; quae, in novem forsan, ex decem exemplis, malo huic originem praebent.

*Frigus.*—Jam supra notatum est, systema foemineum multo irritabilius esse, et morbis, sub periodum menstruam, ac etiam inter fluxum, quam ullo alio tempore, magis obnoxium: Non igitur ambigendum est, quin uterus ipse nunc, vi aliqua, five constringenti, five relaxante, facilius afficiatur.

Frigus facultate pollet omnia constringendi corpora quibus admovetur. In foemineo igitur corpore, praesertim pedibus vel pelvi admotum, omnium maxime fluxum suppressere experientia docet. Partibus etiam magis remotis applicatum, praecipue si corpus fuerit prius calefactum, eundem saepe edit effectum. Hinc patet stultitia earum quae saltatu calefactae potus refrigerantes avidè sumunt, et in conclavia frigida mox abeunt. Mulieres quoque tenerae, et frigori non assuetae, cubiculum perambulando frigidum exalceatae, eadem afficiantur injuria. Porro, ex humiditate, praesertim si cum frigore juncta sit, idem patiuntur.

*Pathemata*—Quo pacto pathemata diversa in corpora nostra agunt, nescimus, et forsan nunquam



quam nobis clare constabit : Ex observatione tamen multi eorum effectus probe cogniti sunt. Subito enim incensa, omnes vires motrices mirifice agitant ; modo eas ad summum excitando, modo ad mortem ipsam deprimendo. Alia in aliis corporibus, aliisque eorundem partibus, ac secretionibus, diversimodo operantur : In nullam autem corporis functionem, magis quam in menstrua, pollent ; quod forsan a mobilitate insigni habitus foeminini eo tempore pendet. Pathemata excitantia saepe fluxum ad profluvium augent ; dum deprimentia eundem efficaciter sistunt.

Apud deprimentia, *terror* maxime valet : Debilitatem omnibus partibus infert ; vasa extrema ubique constringit, interque alia, uterina : Unde menses repentino obstruuntur, et totum systema haud raro dirissimis tenetur malis. Pudor nimis, nec non et moestitia subito orta, eundem in modum agunt. Recordandum porro, excitantia ipsa, praesertim iram immodicam, ad cohibendos menses nonnunquam valere. Hisce addere licet, diversa in ventriculum assumpta, menses aliquando supprimi, ut piscis, condimenta, fructus immaturi, &c. Hoc autem ab idiosyncrasia pendet, quae semper alia in aliis est ; quod enim alteri nocet,



nocet, alteri nihil fert incommodi; in his igitur experientiam tantummodo consulere oportet.

*Vires uterum relaxantes*—Praeter varias causas quae uterum una cum systemate universo relaxant, sicut inertia, sopor in longum protractus, diaeta calida, aquosa, &c. sunt aliae quibus uterus ipse prae caeteris afficitur; quales sunt, puerperia dura et frequentia, nimia corporis molimina, calor immodicus utcumque admotus, sive vestibus, balneis, hypocaustis, &c. Huc quoque accedant irritationes frequentes, diureticis et catharticis diu usurpatis, vel oblectamentis connubialibus saepius iusto adhibitis: Quae omnia sunt evitanda, vel saltem caute indulgenda. Praecipue vero notari meretur, quod omnium maxime lactatus huic relaxationi obviam ire, vel cum adsit summovere, confert; utpote qui sanguinem ab utero derivat, ita ut vasa et fibrae sese probe contrahant, suumque tonum recuperent.

Altera periodus vitae adhuc consideranda restat, quae foeminis forsan omnium est maxime periculosa; nempe ea qua menses fluere omnino desinunt; quod in Europa plerumque inter annum quadragesimum et quinquagesimum, pro habitus diversitate, contingit\*.

G

Prout

\* Plures mulieres inter annum quadragesimum quintum et quinquagesimum moriuntur, quam in quovis alio vitae stadio, Manningham art. obst. compend. p. 49.

Prout magis magisque aetate provehimur, corporis fibrae solidiores, rigidiores, et sicciores fiunt; hinc fabrica limata cutis, hinc color vicens evanescit; dum subrepunt callositas rugaeque senectutis ingratae. Motus omnis rigescit; sanguinis circuitus pigrescit; imminuuntur secreta; debilitatur digestio; humores tenues acresque evadunt. Ita corpus humanum, annis pedetentim et gradatim vergens, labascit, adeoque devincitur, ut machinae motus tandem sua sponte consistant.

Quum vero solida foeminea masculinis sint laxiora, minusque motibus violentis assueta, non tam cito istam rigiditatem patiuntur, quae mortem festinat: Et hinc a monumentis quibus inscribuntur mortes, liquet, mulieres post annum quinquagesimum, vitam longiorem quam homines, fortiri \*.

Quare corpus muliebre priusquam virile procreationi ineptum sit, dum tantum vitae spatium, tantaque sanitas adhuc restat, visum mortalium latet. Cum autem res sese adeo constanter habeat, judicare licet, non esse inane, sed fini alicui haud parvi momenti in administratione rerum  
infer-

\* Buffon. hist. nat. tom. 4 p. 352.



inservire \*. Uterus enim hoc tempore mutationes insigniores subit, quam ullum aliud corporis organum; durior firmiorque fit, quod etiam manu incisoris sentitur †; plurima ejus vasa omnino delentur, aliaque sensim deleri incipiunt; fibrae rigescunt, magnamque contractilitatis partem deperdunt. In hoc statu, uteri vasa non cordis actioni tam facile cedunt; torpidae ejus fibrae ad contractiones aegre fuscitantur: Itaque fluxus impeditur, donec cumulus sanguinis in majoribus sit vasis; quo pacto, extrema tandem cedunt, et sanguineum profuse effundunt. Hinc pendet inaequalitas ista et temporis et copiae fluxus, quae sese plerumque sub mensium finem ostendit. Tandem vero resistentia magis magisque adaucta, uterus suo munere perfungi nequit, mensesque omnino in posterum cessant.

Quum fluxus gradatim et ex ordine imminuatur, intervallis simul paulatim productis, nullo comitante dolore, faustum habendum est signum; propterea quod natura satis habet temporis systema mutationi aptare. Sin vero intervalla et fluxus copia admodum irregularia fiant, vel si  
menstrua

\* In corporis partibus, nihil inane, nihil sine causa, nihil supervacaneum est. Cicero de nat. Deorum.

† Hall. el. phys. lib. XXVIII. p. 171.



menstrua subito sistantur, timendum est, ne quid detrimenti a plethora capiat, praecipue si mulier fluxui profuso assueta fuerit; vel si quid proclivitatis in habitu antea extiterit ad viscerum obstructions, ad schirros vel cancos in glandulis, &c. quae omnia huic vitae studio, prae caeteris, contingunt. *Monf. Dionis*, qui iter per Galliam fecit, anno 1700, nos edocuit, ex foeminis viginti quae cancris male habebantur, quindecim inter annum quadragesimum quintum et quinquagesimum aetatis hoc morbo laborare: Porro notavit, maxime invaluisse apud mulieres vitam in monasteriis agentes \*.

Idem experientia recentiori pariter confirmatur. Ex chartulis nostri professoris *Monro*, quas nuper mihi comiter ostendit, didici, cancos mammarum mulieribus tredecim ex viginti duabus, eodem tempore contigisse †.

Alia

\* Des operations de chirurgie, par *Monf. Dionis*, p. 314.

† Hanc occasionem gratias huicce viro illustri, propter suam erga me, meosque, benignitatem sic publice referendi, non nisi ingratus praetermittere possum. Ut apud omnes illius peritia in re anatomica haud secus ac medica in confesso est, sic animi benevolentia, morumque suavitate, inter amicos, et qui ejus consuetudine gaudent, haud minus insignis est.

Alia adhuc sunt mala quae hoc tempore vitae multum increbescunt, quaeque a plethora et distributione humorum inaequali maxime oriuntur; qualia sunt, profluvium mensium, fluor albus, haemorrhoids, affectiones hystericae, &c. quae foeminis magis minusve periculosa erant, pro habitu qui in iis valet, regimineque quo utuntur.

Quid igitur regimen huic conditioni convenit? Ex supra dictis mihi manifestum videtur, constare debere ex omnibus hisce quae plethoram imminuunt, quaeque systema universum, ejusdemque partes, quam minime irritant; vel, quod idem est, regimen antiphlogisticum in totum adhiberi debet, quoad systematis universi statui conveniat.

Si intervalla sensim producantur, et copia fluxus imminuatur, opus naturae ducendum est, quod interpellare foret nefas; et nihil alio est opus, nisi diaeta simplici regulari; simulque ab his causis cavere, quae sanguinis circuitum accelerant; ut corporis exercitium immodicum, animi motus violenti, &c. His adde omnia quae constrictionem subitam vasis uterinis inferant, veluti frigus, metus, & aliaque pathemata deprimentia, &c.

Quum

Quum autem menstrua, sub finem, ordinem nullum servant, et signa plethorae adsint, tunc cautelam quam maximam adhibere oportet. Venæsectio modica subinde celebranda est; alvus leniter ducenda, fonticuli inferendi. Diaeta parca refrigerans apprime utilis erit; omniaque animi corporisque irritamenta, quippe quae vires motrices nimium excitant, sunt sedulo avertenda.

Morem hisce monitis paucis gerendo, mulieres tempus hoc criticum et periculosum plerumque impune transibunt, et, si prospere transierint, plus roboris vigorisque acquirunt, ac sanitate stabiliiori quam antea ut plurimum fruuntur. Immo haud raro evenit, haec ipsa mala quibus diu infestatae fuerant, nunc feliciter evanescere. Et *Tissot* refert, complures mulieres sibi ipsi cognitae, quae per aliquot annos conspicienda adhibuerant, ea, hoc tempore, omnino abjecisse †.

Quae vero de hac re cognitione dignissima, lector in dissertatiuncula Doctoris Fothergil, viri jure celeberrimi, reperiet: Ibi etenim cuncta agenda

† *Avis au peuple*, chap. XXVI. §. 363.



agenda pariter ac evitanda, summa peritia iudicioque, prolata sunt \*.

Nunc ad SECT. III. de graviditate, puerperio, et lactatu, perventum est. Haec vero tam lata, jamque tot tantisque medicis tractata, hic loci praetermittere oportet; quoniam limites hujus opusculi, quod jam forsan iusto prolixius est, longe transirent.

\* Med. obs. <sup>&</sup> ~~et~~ inq. by a society of physicians in London, vol. 5. p. 160.

F I N I S.

